

七

錄

齋

詩

鈔

七錄齋詩鈔卷八

山陽阮葵生吾山

蓮花峯弄月歌爲徐大作

蓮花峯峯高竝入青冥中雲氣千年自虧蔽想見
仙靈時與通上有芙蓉千朵吐翠萼下有紅泉萬
派鳴琤琮攀蘿躡磴苦難到誰能絕頂挾背盪心
胸松原山人古奇士發興遂欲探鴻蒙水鏡晶瑩
正圓滿瀟瀟夜氣彌空濛捫參歷井入山腹如板
鳥道披蝨叢豁然直上出木末仰見寒烟涼霧光
溶溶左挹洪崖叟右挹浮邱翁直欲騁鸞駕鶴乘

風歸去廣寒宮瑤樓玉宇不知在何處微聞天香
縹緲飄情空掬之滿手冷如雪分明欲墜聲瓏、
喝使倒行捉不得詩人豪氣將無同江南畫師令
好手雲烟滃染傳高踪披紈噴、空羨、門子何
時棧鞋采杖把臂來相送

題秦鑑泉學士瑞芝圖

華芝蒸老樹秀彩耀瑤齋照眼看偏艷移根養亦
佳幾番邀賞咏詎止瑞庭階玉盞滋榮露傳觀坐
客皆

學士文章伯紗籠憶姓名高岡鳴老鳳喬木待新

鶯美瑞爭先睹清華儼繼聲披罔暗驚絕佳話紀
蓬瀛

題海上移情圖

天風浪、山蒼、東海之東波茫洋撫絃忽動水
仙操鼓宮、應商應商清冷似聽迦陵鳥此情久
已寄縹緲一彈再彈音已稀千里萬里青未了還
君此罔太息生九衢車走如雷聲

和張吾溪過寓齋夜話之作

浮湘眺岳成前度官閣題詩憶少年古寺同聽京
國雨舊遊重話洞庭舡殘衫破帽餘蕭散畫榼文

楸足靜便燭跋數條還不寐經魚永夕坐流連

張南坪自粵中來都下枉過寓齋

十年蹤跡悵睽離帝里相逢慰所思座上同傾燕
市酒袖中先出嶺南詩劇談往事情如夢觸忤愁
懷鬢欲絲便與使君商出處可能端策決羣疑

紫坪寄詩讀之殊難為懷次韵賦荅時弟
方有錢江之行並東武林諸子

與子本一體佳時各異鄉音書惜迢遞身世感蒼
茫肯薄青雲業難消白日光半生慚樸學辛苦爲

詞章

負笈思前度客寓杭州緘詩一愴神遙情若爲訴

好句亦堪珍古調寧諧俗名塲獨抱真停雲空藹

藹還憶素心人謂方蘇臺立亭金懷玉印霽川浦
揮之趙石函查茂蔭余容宣諸君

子

送戴經聞同年南歸

打包又見客裝覆落日西山影半銜塵世恨惟投
白壁英雄泪不濕青衫烟濃古驛依、柳風引晴
波去、帆記取佛堂分火處倦遊詩句要重緘

願息存廷尉王芥子觀察徃復尺牘彙成

一冊廷尉出以屬題

交道古人重文章真有神意氣一以結金石非云
堅矧以芳桂性寫茲蘭臭言瑤華爛繭紙瓊藻敷
魚箋兩玉若相叩葭壁良足珍觀察本才士尺素
緘秦閩遠心何鄭重飛句弥豐繁廷尉勵風義報
書勒平安相勗在琢切匪徒迷暄寒我昔滯日下
污奉王君歆哉為剪燭話相與對榻論浮雲逐征
轡春樹懷渭川傾公令韓富廿載立清班斗山企
宿望古道照我顏城南教過漫細論塲屋文商推
共晨夕綢繆傾肺肝示我渎手跡裝池輝綾紋故
人一紙書寶貴如明玕懷袖字不滅此意何纏綿

感此交誼重把卷起長嘆寧止讀三過直欲披百
番此道幸不棄高風今猶敦願得執鞭弭上下相
追攀

雨後過天月和尚

春去雨初霽雲光已改夏流水漲斜街欲出行復
罷
黃六真僧
訪鄉僧方值誦
經暇花時偶閒坐倚茶蘼架微香細、叅落英
片、下上人談名理口若瓶水瀉我亦耽禪悅
之若噉蔗門外紅塵深歸途泥沒膝平生媿行脚
從君借不借

夏夜獨坐

禪房通曲迳，白月照松篁。
露下葉初墮，風來花自香。
僧尋前歲約，客減向來狂。
披髮容蕭散，懷鄉夢不忘。

黃氏貞節詩為彞軒題冊

江夏清風舊，頻悲黃鵠秋。
秋九三世苦，冰雪一門多。
勁竹來慈鳥，寒塘有孝鸞。
紫輪趨日下，沒楔覆春蘿。

夏日城南訪友因過金魚池次袁二寔堂
韻

碧沼紅蕖散影新
隔溪誰唱五湖春
乍來蘆讓之
間地同訪羲皇
以上人步躒儘堪消
永晝濯纓聊
可適天真
城南十里清涼境
肯把沒韉挿軟塵

朝來餐勝信如歸
爽氣西山挹晚暉
半日偷閑容
作達一彎消夏未
云非生憎粉蝶迎
臥舞苦愛沙
鷗貼水飛綠樹
陰濃攤錦簾
與君相賞莫相違

一尊聊與故人同
咲謝翻漿肉汁融
水檻裁重延
溽露湘筠百摺度
熏風酒徒河朔豪
猶昔詞客江南
句絕工

任孟馨吳九峯
章篔谷皆有詩

但得林亭避炎燭
不辭

往復遍詩筒

移寓後却寄同舍朱大伯

移家裁幾日，隔巷結遐思。
未剪窻前草，重吟卷裡詩。
定知憐僕病，端恨識君遲。
獨寐渾無計，空梁月墮時。

次韻荅任孟馨見懷之作並柬吳九峯章

蔗谷

一時駭雅聚禪扉，江北江南各憶歸。
鄉夢經宵遊栩栩，綵毫得句想非非。
擬傳門外青絲騎，同醉尊前白紵衣。
只恐踈狂慚大雅，上方可許共因依。
長日如年闔板扉，幾番花落夢將歸。
送來找不因。

人熱何必令裁悟昔非容咲獨孤常側帽誰憐沈
約不勝衣北窓日永眠清簟蕙裡書籤日共依

題秦復堂編修使黔集

雲開銅鼓繡旂張天上文昌指夜郎不造遺珠滋
竹泪獨打老眼燦蒸光西清翰藻輝銀節南詔風
烟入綺囊此日珊瑚登鐵網黔山金箭滿門墻
鴻文十載重詞林萬里從添白雪吟荆豫山川歸
小錄即錢風調有遺音即看字裡纏綿意不負聞
中恹淡心裁亦曩餘邀拂拭枯桐終媿紫瓊琴

題劉北堂泉州詞後

烏闌粉版墨痕新
斫地悲歌豈是真
二十年前賦黃絹
不堪憔悴有斯人

南唐北宋數名家
覩縷頻緝小字斜
對此茫茫百端集
暗風吹雨落燈花

同王孟樓裴超然
宋小巖過曹近薇寓齋
次孟樓韻

圖書挿架滙叢殘
壁上新題倚醉看
我輩詩情原旖旎
翰林風味特清寒
一窻任尔生虛白
九轉從誰問
大丹燭炮更闌還
洗葦主人莫訝酒腸寬

秋夜阻雨宿陳東薇寶田寓中即事述懷

浔五十韻

細雨淋遙夜書堂話早秋故鄉朋輩少却舍主賓
留勝會身宜健涼宵景更幽論文思見道談藝劇
忘憂倚暮陰雲合經宵薄霧浮俄聞聲浙滙忽送
響颺颺空外雷聲度庭前雨勢稠打窻過密陣平
砌濺浮漚颯、林方振濛、靄未收竹斜驚折尾
花重欲低頭冷氣浸窻棧懸流瀉瓦溝涼生青玉
案人在木蘭舟快啓薰封甕同傾白定甌冷、斟
短榼激、嚼圓喉桂蕊香爲釀藤花折當籌晶盤
澣雪藕玉椀迸珠榴椰老杯剜瘦桺空枕鑿瘠諧

談工射覆調咲更藏閣玉漏籤初下銅槃泪欲流
逸情鴻戲海猛氣鶻辭鞦耳熟翻悲遇顏酡轉並
愁幾人紆紫綬得路上丹邱珥筆趨謀闕承恩扈
九游玉樓袖翡翠金勒控驂臨宅第金張並勳猷
衛霍侔黑頭稱柱國白晳位通侯我豈終淹蹇躬
偏集悔尤功名輸貨殖面目類俳優國已同高叟
悲還效楚囚伊顏後願學管樂詎能儔抱璞空唾
拙抄書每自讐祇應鉏芋圃但合老瓜疇且喜簪
同盍休傷命不猶交遊思魯國豪俠憶并州同舍
懷元白多情汚應劉高談霏玉屑咲傲小滄洲好

句如珠走文心似滿抽新詞填綺調僻典費冥搜
氣概陳驚座聲名趙倚樓共彈流水操不惜夜光
投皎、雲中鶴悠、海上鷗共持鸚鵡杓便典鸛
鷗表人物尊前盡烟雲檻外周晚颺吹落葉涼雨
溫寒湫秋至聲蕭瑟更長語謬悠茶香溫芥片篆
影裊銅篝席上空希校房中疊枕裊對床空有憶
卜夜竟何由聽雨情淒楚懷鄉道阻修吟吟渾不
寐遮莫類伊嗷

題表起承江帆夜月圖

周為施
希波作

南州才子真詩豪百花洲上吟秋濤十載軟紅碾

波輟滿湖烟月放歸橈秋水始波木葉脫纖雲不
動凝天末蟹舍魚莊望渺茫鷗波雁漢凌空澗七
尺蒲颿一夜風送君直到蠡湖東仙人鐵柱浮嵐
外帝子珠簾暮靄中萬里清光散香霧秋聲滿耳
君應賦烏桕亭、縱晚霜黃蘆瑟、搖寒露獨倚
危檣自啟舷画圖書卷米家舡都將破浪乘風意
付與披雲抹月邊草樹參差辨城郭落帆應向章
門泊故鄉好景足烟波公子聲名動寥廓茗柯山
人老画師手染松烟泛研肥圖將一舸乘潮去好
是名山挂席時我本東海釣魚客戛載空柁湖上

宅歸心竟夕，繞菰蘆涼月絲，照人白。

雨夜宿近薇寓齋，即題其詩冊次卷中韻。
墨雲葉、暗西山，秋在濃陰暮。露閣清簾，
尺幅對床曉雨，不知還。

支道山前憶舊遊，吳楓橋下載停舟。
客歲同寓吳山，
適遊西南
諸山撥鞋桐笠全拋却，夢隔寒江鷺與鷗。

初秋夜坐

小樓憑木末，寥泐晚天清。一夜涼風至，滿城砧杵聲。
殘星繫簷角，危葉下簾旌。客思正惻惻，雲中數雁鳴。

送余容宣歸山陰

垂柳初黃潞水濱，人生容易感離羣。
十年抱卷君情我，一第還山我惜君。
乘興祇應探禹穴，傳經重見績河汾。
千巖萬壑曾經處，遲我扁舟泊五雲。

五雲

會稽城東水門也

雨夜懷紫坪用蘇子由韻

西風涼夜蕭，雨殘葉翻飛。
滅砌沉小閣，下簾移燭生。
虫聲四壁響，淒淒。

對床空有囑中約，苦爰深宵聽此聲。
忽憶山陰道，中日僧廬同話越王城。

少時與弟合繪風雨對床，照十載以來踪跡南北。

若相遊者去^數年春同遊會稽寓鏡湖僧接阻
而決旬^數惟^數者不負園中之約耳

萬壽雅歌

萬恭頌作觀也

天佑元、萬我我 皇道稟二五純粹正中聖神
文武玉質金章既典神天受祿永慶宜民與人

皇德用昌懿我大清接旦重光

一章

厥德凝命克誠克敬協上帝之綽蕭穆無聲園壇
居敬郁然清明載見 烈祖感孚一氣神保饗之

俾昌俾熾既熾而昌亦罔敢居寧有寧其居惟德
之貞

二章

伊條伊枚匪雨露不膏伊幽伊遐匪陽不照我仁
仁膏之我知照之有魚者祇執中以導之如天如
神覆露則均 三章

如天如神佩服若士吉暉在躬縝密玉理惟冲惟
虛却鴻號弗居恢大圓孰得而名諸 皇德
莫名名日以尊光垓^讀堦^讀馨香聞于天 四章

念典美日新也

古之齊聖為性為身誕我 皇之齒學敦敏而益
勤集文雅之圃味道之腴 堯傳。舜受二典三

謨緝熙家法 皇敬則孚 一章

左圖右史日居月諸寸陰不曠惟萬幾之餘書則
宓詩則後席重：筵肅：碑雖靈臺石渠天祿以
一貫三維我 皇之學 二章

黼繡青黃掌之鍾愷日星山龍象之衣冠裳 皇
思經緯細為文章元首卿雲紉縵其光函令蓋古
元氣泮：群工下風莫克廢且颺墨之為字龍圖
負將刊之為碑响嶮頽頽是曰天常紀綱乎八方
三章

之綱之紀文明大啓藹 皇多吉士國有學鄉有
按序萃鳴鶴在陰鳳皇噉彼高岡皇心則喜笙簧

酒醴既養既教惟皇之所使四章

敷極樂太平也

皇風靈：曰求民之瘼皇猷丕：曰政無或紕六職
有司五物有書受之若谷省若虞樸早而作而夜思
是其所以無為一章

德音與申秩：疊：經以井疆亦有室宇都：邑
邑以聚以處年：復除以鼓以舞長嗣婦稚豚雞
特殺吾儕小民平世樂土迺畫刑章戒其無禮迺
訓禮節期于刑止化馳若神水下雲靡二章

時雨時暘時寒時燠時風若歲則大熟協氣嘉生

董為太平治象則成 三章

方春登臺樂觀富庶與民相見為民補助千乘萬
騎自天而下 皇者于山浮于河至于海邦命市納
賈太史陳詩觀民風榮光上燭指授宣房澄瀾
正鏡水波不揚載歌洋洋 惟時永康 四章

者定布大武也

昭我烈祖功銘烝彝鼎 皇恭大烈攢緒惟四塞 永
世至列貢篚函或以其實或以其琛或以其馬莫不
以其忱克成厥功克廣德心 一章

始也簡徒小醜藥蟲深入其阻元老壯猶繼也出

車閱之無盡劉執降渠魁睿笑則固皇者其武

忠信用章逆豎背德 皇謀則明 二章

蠢：逆豎竄迷所之煽彼二酋倚為藩籬揚兵

之初內外咸疑天去逆豎兩首魄視 皇斷自喪

組繫應指元戎轉戰盡決壁壘罪人斯得不費

鏃矢疆以戎索跨二萬里戎土我人自今伊始廟

獻所俘旌賞次舉人曰 皇武 皇曰天助 三章

屹矣崇壇 皇需近郊而師評掃塵為膏官柳

依：天驥駢：如霆如雷如虎如貔大師旋歸命

日勞酒既旨且有將士拜稽首無小無大或先

或後太史載筆仲春日吉 四章

尊養光孝治也

南陔循詩音歸潔養以天下養孰為之尚 皇朝
寢門溫靖罔有曠載色載笑起敬不忘日辨大可
觴瑞自天命 一章

有齋璇宮為天下 母蒼昊為佑生天地 主孝治
之章慈恩之普敬上徽音任如則有精璆寶冊
焜耀區宇徽音之懿孝思之抒徽音無極累積
宮崇惟德動天萬年並隆 二章

昔慶慈壽歲在協洽 皇闈五袞 聖母壽周

甲嘉錫士大夫仰流麟集甲科增開朱紫則拾于
今十年 皇壽五十玉璽渙大號慶典重及以頌
皇壽以上于 聖母 三章

聖母高高戩戩惟保永言保之以及人之老存閭
高年穀帛金錢紫屬併車萬國長春樂以天
下錫類惟均 四章

純嘏祝眉壽也

穆之我 皇日之方升靡莪不先靡善不中清寧
協拱眉壽崇增如景于形如響于聲 一章

鋪充明銀爰見階瑩榮觥兕獻呈玉環兮久

視長生誦金粟子無量光明天保定之祝曰萬春
萬春之慶百福之臻 皇敬於業夙夜基命宥
密知天事天惟孔思之是接二章

橘壯甸三日惟嘉辰律中南呂朱草彬、天皇麻
滋至美意延年封人之對公堂之躋抒忱祝釐遍南
北東西 聖躬肅雖乃安而彌恭 聖量洞涵乃尊
而彌謙謙則福恭則壽德彌厚壽彌久三章

爰有野老行歌郊扃嘉禾被隴芝秀同徵爰有嚳
人握策布笑三光貞明日在酉建受福孔多受命孔
長徵臣演雅敬上萬壽無疆四章

秋夜寄吳山夫程邵泉

破窓理殘帙，遙夜刻秋燈。
雲外過鴻雁，天涯念友朋。
文章俱發越，意氣失飛騰。
為問名山業，牙籤插幾層。

寄朔安公陳北泉津門次周霽亭韻

采芻情何限，停雲遠莫將。
幾番栽素札，相望隔橫塘。
同是羈栖客，全休踈曩日。
狂津門波淼，何處賦懷鄉。

秋懷

西風搖落動秋懷，身世蒼茫感不才。
故國蕪菁葭露，露早闌門鴻雁背。
霜來消魂愁誦江淹賦，物色誰登郭隗臺。
坐擁牙籤消永日，桂堂容易倒金罍。

東朱三榆圃

角枕斜拋斗帳偏，困人可耐晝長天。
維摩不語拈花咲，病榻茶烟好悟禪。

紙閣文窓養疾宜，藥匙苦爰玉纖持。
鏡奩冰簟清於水，須避涼颼輟画眉。

九日陶然亭登高，同周青在稚圭裘超然裘纘先畢秋。悒葉子山分韵得并字。

西山如幃抱秋城佳日登臨眼倍明四野風聲殘
葉下一番霜信晚楓頽榻來勝地供吟賞難得詩
人此合并共倚闌干緩歸騎遠峯謁、暮雲生
仄迳清流取次行危亭立處與雲平咲拈栢子參
禪偈遠貫松醪試酒兵豈有好詩繼陶謝陶謝集
皆有九
詩未除豪氣似幽并當筵莫訝騰、醉白雁聲高
動客情

九日陳東巖招集

南雁聲、咽晚烟故人高會啟芳筵闌門落日寒
雲重城闕秋深暮靄妍澆酒黃花陶栗里停車紅

樹杜樊川風前爛醉揮吟管墨瀟淋浪蕪錦箋

重九後三日同胡太初張云門蔣心畬袁
寶堂王孟樓施鐵如曹竹虛蔣辛仲集程
雲塘宗伯城南寓園次太初韻

虛亭高敞敬西城開輦下詞人幾輩未挿帽尚簪頭
上菊藏閨爭覆掌中杯尊前欲盡殘秋景眼底原
多曠世才醉倚紅闌舒遠眺夕陽一片女牆頽
四壁牙籤挿架陳佳辰常許叩門頻占來蕭瑟泓
崢地一聚歎寄磊落人未必採花真是識居然搗
蕩欲為春酣歌拓戟停渡竿庭外風來酒欲鱗

間陳北泉抱疾將歸淮上

鴻雁一聲過秋雲淡似羅未知孤館客憔悴近如
何聚散憐飄蒂升沉感逝波聞君賦歸去吾亦夢
松蘿

題袁超然秋原射獵圖

涼秋山色圓平蒸寒空獵、巖廳呼沙塲草白林
葉枯丹楓幾點搖霜株短衣快馬誰者後眼中之
人風骨殊龍文虎氣古稱羨此客無乃其選與玉
花雪色龍梭駒杏鷄寶玦鞭珊瑚蹴雲逐電自空
下頓轡徐抽金僕姑六鈞不張意何暇射熊搃豹

徒區、擇因待尋九青兕、彎弧藝殪、叢於菟平生
自負射鵬手、橫槩雄視金馬廬、出入兵欄、直櫛陞
難翹豹尾、從容趨疊、漢命中今、所無雲白山青、傳
畫圖披紈噴、掀吟鬚、齧靛自咲、樊籠拘上林賦
獵讓君等、蹇驢風雪吾非夫

送家兄見田歸南昌

木葉翻飛高雁度、九月寒霜點清路、揮手東華十
丈塵、歸舟天際迎江樹、吾家伯子宗之、歸三年直
講傍紅墻、清時作宰、半文士鬚、分行矣、腰銀章、秋
來忽、動鄉思、抽身便欲插、雙翅歸興、長懷南浦

雲遠心待挹西山翠
西山南浦夢悠悠、此去家園
樂事稠江上鱸肥新入饌
瓊頭春熟待添蔥君行
應見淮山峻過我高堂問
食飯千里迢迢望白雲
西風一夜斑予鬢

和申拂珊少京兆賞菊

暇日賓綦集畫堂轉緣看菊意
偏忙劇憐秋盡花猶艷
難得移根葉未傷賞處宜
燒銀樣燭尋時多傍粉光
墻當筵莫遣芳纍盡
昨夜風寒送有霜潔白
凌虛絕點瑕淡黃含露
綻新葩愛者老圃秋
容澹况對西山日夕佳
座有高賢成雅集詩傳好

詞譜卷之八
句稱名花興來今日添佳會醉把茱萸未足誇

讀京兆疊韻之作再和二首

西涼浙、撼秋堂人對金英那更忙縱不言時終
是澆便教飡去亦何傷賞宜晴日尋宜雨花在疎
籬影在牆高捲湘簾延素月不愁青女會飛霜
不着纖埃不染瑕傲霜得、放晴葩採盈把去真
堪玩插滿頭歸亦復佳且喜尊前能盡醉未妨此
後更無花江南詞客題新唱勝事還漫座客誇

張灣驛館晤許竹人先生

意外相逢豁旅愁儼從大海聚浮漚暫停瀾洞風

塵轍一話蒼茫水國秋
喔喔荒雞啼屋角
殘蠟照床頭
十年何限升沉事
坐聽寒更語不休

次竹人張灣題壁韻

嚴城背水壯提封
西望層霄氣似龍
風景不殊經幾度
霜華如此又三冬
莫將去日悲來日
好換啼容作咲容
匹馬短衣渡河去
寒冰踏碎已千重

秦城故址

六王畢後金城建
四郡平來塞馬肥
可惜神仙呼不至
宮車空載鮑魚歸

鐵甕如山跡已湮
祇今烟樹尚名秦

秦城烟樹為泉州十景之一

誰知雉堞連雲日，軼道先看玉壘陳。

訪劉此堂不遇

論交十載接清光，同奉西江一瓣香。命駕忽聞千里去，

風寒梁苑夜飛霜。

此堂銘於泉州閩湯考南學使移任黔中即日假裝

語中州話別交誼如此不愧雲龍矣

寶坻西寺訪遼碑

石幢西畔古招提，六百年來此故基。坐卧經廊斜

日墮，手摸龜紐讀殘碑。

碑石晶瑩如鑑，建于太平五年文學齋可昇書

題閩中王孟旦泉州八咏詩冊

新詩入手艷瑤瑰，快讀爭彈蠟炬煤。海國山川宜

健筆八觀今見長公才

寶坻

漁陽舊鎮控幽并城上風來海氣陰紺宇石幢空

巖巖碧潭寶鏡已消沉石幢寶鏡皆古跡懸塵艷說瑤

華島法界誰忝祇樹林我亦打已似行脚忍寒古

道試清吟

同祝豫堂周青在葉紫珊頌東田蔣辛仲

過新建夫子潞河官署分賦待雪詩拈得

增字

官閣連朝望眼凝密雲含雪掩芳牋輕陰不散風

微颺薄霧交橫冷漸增潤野待看滋宿麥點池好
與護春冰虛廊又手行吟久白戰當場客尚能
文園授簡意飛騰朔氣偏宜健筆凌簾額漸低林
霜重闌鈴不動曉寒凝潞河一夜冰輪合燕市明
朝酒價增玉樹瑤田歌上瑞幾番吟望倚窓棧

寒夜張六云門過邸寓情話竟夕感而成

咏

閣戶添爐火蕭然百感增惟教呼白墮相對擁青
綾以我愁難遣憐君病不勝談深銀燭盡寒月過
窓棧

題王澹人菊莊圖

瘦了奴子灌清泉秋在籬笆老樹邊一卷殘書數
枝菊南山不見也悠然

蕭疎風貌稱東籬寫出秋心情畫師管領寒香致
清絕不須辛苦買胭脂

秋花滿筵爛如銀幾度吹殘未損真箇取素心貞
晚節知君原是此花身

曝日歌

蕭窩縮瑟如僧枯寒肌起粟瘡生膚土挫竹爐圍
活火手撥殘芋面壁坐老天似憐我輩人紅輪送

吐東方暎微風不起野馬淨禿樹時聞寒雀喧獨
曝虛簷恣吟弄玉壺不羨豚羔送已覺竒溫勝羣
裘居然柔暖融皴凍何必廣厦千萬間陽和自足
回歡顏但願三冬不寒常如此我欲持以獻天子

小除日即席呈裘少農夫子

深屋圍爐坐團圞話小年晴開新雪後景逼早春
前淑氣籠花盞歡情汎酒船一番添暖會不待葵
松烟

誦席溫如許纏綿款曲通殘年索遠思永夕坐春
風酒滿浮花碧吟成就燭紅栗梨供飽食宛與故

園同

除夕限五言四韵分得布字

爆竹響千門一夜陽和布桃符颺瑞烟柏子孃香
霧傳瓊餞華年流光應少住送暖吹東風春生詞
客句

一年餘一夕轉惜等閑度芳讌陳椒盤羅列儼碁
布韋侍扶風帳叨陪謝家樹紅燈照裁詩獨媿陽
春賦

七錄齋詩鈔卷九

山陽阮葵生吾山

折楊柳

相送臨高臺依依折楊柳莫唱陽關曲且盡杯中酒

送君苦不遠攀條澗水湄不道離別苦惟言長相思

燈花詩

華閣敞芳筵釀飲坐以次乍喜同譜俱渾忘旅蹟
滯燦明燭光著花信瑰異高跗叢玲瓏細夢散

金穗五重轟錦臺四垂委雲帔瑩、何太喜得、
為表瑞應為才士徵詎聞天女戲呼僮戒勿剪對
客照無寐誇示不知顛茗芋竟成醉佇看上林花
春風盡淨意

同表超然遊昆明湖

蔚蘭天氣日初晴十里沙堤輦路平咫尺神山飛
不到盈、一水隔蓬瀛

界畫亭臺逸畫闌金潭碧幃俯雲端分明小李將
軍畫直似鷺溪絹上看

水木清華占好春玉橋西畔止遊人粉闌一帶迎

涼殿輸與金華侍講臣

玉甃層、劃漲痕輕烟軟絮漾晴暄不離紫禁東
華土疑入吳舫水上村

山下晴開教稼亭青疇處、勸春畊依稀桑柘田
家景隔隴遙聞叱犢聲

送周良耜歸禾中

臚雲名第記前辛爛粳木家法于今誼倍親兩載
睽吟敦舊好一帆決計作歸人葡萄燕市同羈况
梅柳江南夢幾巡羨尔做裝詩滿載不須惆悵皂
囊貲

棲遲官閣慰悲辛，棣萼風懷兩親。謂青在古道

故應存我輩，不才何敢薄令人。放歌忽寄詩笈疊

少住還添話一巡，襤被輕携歸去好。男兒須識賤

非貧

程晴嵐招集與秦劍泉學士紀心齋秦緒

堂編修吳二匏張吾溪中翰同作次韻

寸練尺素綴屏端，好句如珠走玉盤。快讀儘教忘
夜永，淺斟還與辟春寒。劇憐臭味芝蘭馥，信有胸
懷渤海寬。我亦逢場戲竿木，試吟終夕倚紅闌。

春朝自書齋壁

畫簾筠閣度朝昏
韶景關心又幾番
綠滿苔階延古意
青歸柳葉逗芳痕
連宵聽雨頻支枕
二月禁寒尚閉門
讀罷殘編自收拾
竹爐烟起試茶溫

周稚圭移居

蓬山隨地總清華
雞犬圖書載故車
徙宅不離天尺五
到門直認路三叉
新居巷香籠茗鼎堆盈案
紙壁筠簾巧作家
使欲就君分席坐
儼漫圓嶠泛枯槎

爲天都汪用民題其先人復忠復節家傳
歌羅千里關犴蠻
零陵山下湘水殷
甲光鱗劍

花裂城門畫掩鼓聲絕黃山二士真豪雄不惜身
隨天柱崩耿、兩心誓赤日瘴江埋骨形影同傳
聞消息來鄉里取義成仁竟如此青史千秋重泰
山紅閨淚血流鉛水長者收聲撫衆雖隻身撐拄
扶門閭幼者倉皇誓同穴欲向泉臺表奇節嗚呼
死易立孤難幼者應思長者言兩世風霜同素守
兩人冰蘖共清寒江上牽蘿補茅屋荻花慘淡敲
慈竹樂府猶傳寡鵠歌瑤函尚貯孤鸞曲我讀遺
編心黯然沒忠獲節幾人傳魏、白岳有貞石大
書誰為表豐阡

粵西德牘不戒
于火未得逸旌

為楊子安題頽上契帖

頽上二石是

元

時

人物前人言為褚河南書有二本真本

藏縣庫摹本真文廟中庫本碎於流寇曩

見德清蔡氏蓄一本是已斷者神光宛然

時耿耿胸臆間宋漫堂太宰謂庫本初榻

僅數紙紙甚粗劣既碎後又為一俗吏所

補乃大可惜子安所藏猶完璧也朱榻尤

希而可寶辛巳夏五過柳巷館中展玩竟

日時蘊隆方劇對之如一服清涼散也

古井泥乾夜有光誰從玉版認三唐無因榻滯輕

紛紜一尊餞別意兩頰頰微曛高挂片帆穩打漿
歌秋黃

東表超然時養疾僧寮

五里城南碧一彎訪君直到綠蘿間新蟬一樹日
方午香燼半床人掩關面壁有心參白足拈花無
語對青山書籤藥裡藥饒清味消得遊人半晌閒

苦雨用王孟樓曾近薇倡和韻

閒倚僧樓望渺茫背城一帶水雲鄉頻驚屋漏忙
移榻為避霉痕不下堂苔葉有斑俱是暈桃笙貼
體訝生涼比隣聞有騎龍客蔣心翁苦雨詩斗畫
李靖騎龍語

科文篆滿牆

築堰分渠又幾家竹竿欹側樹頭斜
垂翎急過投林鳥瞥眼俄驚赴谷蛇
天漏無人知鍊石壁穿何地可囊紗
經窻長日低頭坐待覓菘茅一把遮

僧寺對雨疊前韻

百端交集對茫茫牢闔護扉覓醉鄉
閒置儼如藏復壁經行真欲戒垂堂
門前車覆青油過身上衣添白袷涼
忙煞老僧朝荷鍾菊苗淹沒偃東牆
偏仄情懷苦憶家愁看浙滙打憲斜
忽驚地裂雷轟礮陡覺星流電掣蛇

隣寺幡竿被雷見說比隣

驚破柱有人兀坐讀懷沙連朝不識西山面長任
濛濛薄霧遮

枕上喜晴疊前韻

一枕華胥接混茫悠然來自黑甜鄉乍聞乾鵲鳴
庭樹重聽經魚響佛堂信有光明開障翳居然旦
夕判炎涼老天特地開晴旭紅日曛一燿女墻
經月跼趺住佛家祈晴幾寫綠章斜愁霖回首同
談虎復雨從來是画蛇乍喜湧輪懸海日莫提教
點似恒沙窻中重列層一岫不遣微雲一角遮

爲曹近薇題披雲採葯圖

背笠手長鍾直上披雲峯雲光帶遙岫峭立青芙蓉
微迳細盤絡玉瀑鳴琤琮晴嵐撲衣袂翠靄侵
枯筇屏山三十六飛落襟袖中

方壺不可到仇池真有無躡屐踏茲嶺舉體凌清
虛茸、石髮細粒、松毛粗三秀紫芝髓九節青
菖蒲誰與入雲竇汚、携烟鋤

夫君滄蕩人平生好奇服家居黃海間旦夕飲山
綠飛身上層椒挾背繼遐矚長鏗刷茯苓筠籃
窮菊欲訪茹芝翁不須躬負局

遊山如啜蔗味乃美於回好景在心目誰為染松

煤瑯琊今好手拂素工新裁烟雲致縹繞光景供
裊裊天台有宿約咲我非仙才予向繪天台採藥
遊題詩窟工

晴嵐病足杜門經月矣用少陵馬墜韻招
同人為文酒之會擬赴其約先荅以詩

鬚公半生江海客東華偶列金門戟宦興從來薄
似雲高情依舊介於石素心爾我結松筠會面偏
教艱咫尺十日西風九日陰經寮空面老僧壁野
秋寓居松
栢禪房床床屋漏捲重茅滑滑泥深侵廣陌昨

宵快睹天氣晴冰輪潑眼清光射舉杯對月萬事
足忽捧新詩韻鏤玉擁膝微吟亦復佳杜門不出

寧侵辱任他搜步逞驕蹄未礙跣趺効駒促洗眼

無人到我曹忘形且自親僮僕蘭譜愁聞隣笛悲

新羨遊然藁砧忍聽刀鏤曲于近有鼓折柬遙傳魚

子箋造門待拄桃枝竹拚飲三蕉任拍浮破除萬

事須鄴渌東坡玉糝戒貪饕噉、湯雞怖戕戮

月下步至天月上人方丈

短衣赤漫足方外掉歌行月上樹生影風來鈴有

聲無多塵外地別是世間情偶作無生話因之契

妙明

秋雨不止次王落人韻時寓居松柏禪房

秋霖績暑雨淋浪勢未已古剎浸層波聽經出復
鯉耳聾隣牆仆目懾簷溜駛其來若有源其去竟
無委積漸入我堂一夜床十徙壁似僧繇破橋豈
黃石圮露處憐古佛雨濕哭新鬼梵堂自徘徊布
路無肘指不解彼大士微笑有何喜此愁方不禁
莫問江淮水

為董東亭題畫

澹毫細染春蠻嫩枯墨能皴積翠濃他日買山須
彷彿結茅先揀物枝松

程邵泉以近詩見寄用卷中韻跋其冊尾

之子抱殊獨天懷特高潔
散殘苦校讐金石網遺
闕餘事為教詩往、清
清越古調駭時賢微言契
曩哲含毫意邈然落紙句
超絕一卷緘京華風調
慎流別高燒銀蠟短坐聽
霜鐘徹擊節寄高吟會
心當禪悅我情亦信芳把
卷佇寒月

東王聿堂時方謁選至都門

朔風獵、馬行遲
僧舍重來訪舊知
握手已驚三載別
出山不負十年期
重挑銀蠟燈前話
先索明珠袖裏詩
却捧牛腰粗一卷

時讀所著經說三十餘卷

循良從

古屬經師

送楊子安歸閩中

青熒佛火叩禪扉，束帶陶公禮數違。
兩載東華秋刺促，千峯朔雪送將歸。
急驅短駢行何決，便杜柴門計未非。
岳頂暗開仙掌色，羨君真得反初衣。

讀淮陰侯傳有感

信本無大志，淮陰壯士耳。
寄食人不憐，勝下已不恥。
晨炊輒復怒，一飯輒復喜。
一朝拜大將，咤叱風雲起。
貧兒驟焉當，自謂難堪矣。
區、會與衣厚，我感弗已赫。
為真王一齊願，已止功多胡不存。
息重詎足恃，伎倆本如斯。
安得、不速死。

小除日同冰璜東岩淵如竹泉集晴嵐寫
齋次韻

間曹偶爾聚吟身燈火團團意倍親談劇不禁萌
故態尊前難污盡鄉人驚心歲月堂、去逐眼桃
符戶、新滿酌浮蛆消永夕與君同醉帝城春

除夕同于冰璜守歲

和風披拂動簷鈴土埴圍爐掩画屏香篆細紫千
縷碧紙窓靜擁一燈青情牽鄉國宵忘寐話到纏
綿酒步醒城鼓槩、春已至微聞綠萼破銅瓶

題歲兆圖

璘玢竹實綴瑤瑛佛國花開爾許明誰貌水姿伴
鬢叟却教老子頓移情

次韵荅聿堂借書之作

薄雪禁寒晝掩廬叩門有客為停車旁人未免嫌
瘦絕底事還書更借書

題沈巨瞻追寫母夫人遺照

烏啼木落歲華徂紙上遺踪信有無
隨盡天涯遊子泪幾人辛苦為飢驅

精魂耿、傳毫素淚血涔、點硯池貌得慈容應
愴絕青裙白髮倚門時

雲霽後添寒色晴來聽雨聲
祇應擘茶餅小試竹
爐烹

入直遲董東亭不至戲東二絕

秘閣清嚴夕照沈宮鴉飛散
晚寒侵詞頭忽下堆
盈案輸爾蕭齋擁膝吟

叉手遙聽畫漏聲一庭殘雪對空明
飢來驅我君知否底事天街款段行

次日夜直讀東亭壁間和詩疊韻二首

千門魚鑰夜沉、金碧觚後皓月侵
却訝董公真健者粗排官事更豪吟

東風吹送閣鈴聲，獨對銀鐙照眼明。
便欲撫鬚吟五字，閉門終夕繞床行。

爲秦澹初題其先人殉節遺命後無錫秦

序貢除粵西富川令值李定國倡逆被執

不屈拘于幽室乃作遺命于諸子即自縊

遇救復甦賊挾之去登舟躍入泚水死子

潮轉徙兵間卒負骸骨歸江南遷葬與祠

于

王師昔日平瀛湘蜀川餘孽狼狐張

名藩死綏四移檄定藩戰沒于陣蒼梧千里陣雲黑堂堂

富水神明宰車師赴援氣真倍撫字勞心赤子知

慨慷罵賊紅巾駭倚劍空撐南壁天巖城一夜飛

狼烟投繯忽遣忠魂返江水長流戰血斑聞道當時初就義拜闕從容書數字行間慘澹瀝悲懷紙上風霜挾生氣傳將消息遍僮蠻孤兒愴絕嘗辛艱袖書復泪流鉛水負骨三秋返故山我讀遺箋重歎敬褒忠 聖代崇禋祀千載馨香傍碧山碑

在惠山上

一家父子輝青史祇令家法見文孫一卷封

題蹟尚完芸香世寶揚先烈珍重忠臣孝子門

賦得春水船如天上坐和薊林夫子

二月湖光望渺然扣舷人在水雲邊潮平嶼澗帆如葉草暖鶯飛泊拍天紅雨晚迷青雀舫碧波暗

蕩綠楊烟此中定有長風送底用牙檣錦纜牽
江上蒲帆葉一偏綠波皺處漾清漣漲生遠浦平
於掌目送歸舟望極天白舫青簾情萬里鶴汀鳧
渚夢經年御風誰識瀛洲近便泛靈槎向日邊

喜悟沈秋厓

三年彈指夢江關燕寺相逢豁旅顏曲巷開門聽
夜雨與君款一話家山

夜直即事次東亭留題韻

雨洗高天成晚霽風吹清漏度宮牆更番視草吟
紅藥取次看花到海棠飽飯脫衣橫短榻高欹餘

韵繞空梁

送湯伊來歸杭州

蘭譜論交臭味譜一椽初占鳳城南
羈栖絕似尋巢燕
僦屋還如共繭蚕
幾度眠床吟夜雨
有時握麈縱高談
風懷爾許難為別
柳色沉、染翠嵐

絕艷才華絕妙辭
草堂留客共臨池

春仲王紫凝為予寫草堂

留客因諸君各有題識

忽泛官海添離恨
偏向花時餞別卮

山下綠蕪頻夢遠
曲中紅豆苦相思
盈盈十里明湖水
羨尔抽帆到岸時

西苑入直同章二梧朱式山作

襖被同携出鳳城一鞭款段石隄平地連瑤島
蓮壺近人比冰甌雪椀清碧嶂幾層圍屋角綠陰一
院撲簾旌紅墻日落倚封事墨瀟瀟濃揮玉版明

對月有感

南雁羣飛曳暮烟微雲不動晚涼天世間萬感生
今夕病裏三秋憶去年到耳風聲驚客夢傷心月
影照人圓清宵愁聽哀絃曲合眼從參物外禪八

一日爲亡室卹語人忌衣愁
見月圓亦孺人病中語

次韵荅程卽泉

秋來池館涼雨洗高旻潔庭樹覆窻陰牆花護簷

闕隔巷傳新詩清音發疏越提唱得斯才風流飯
往哲語妙出天然句奇臻險絕胸無畦畛存味與
酸醜別皎、冰壺清冷、玉磬徹乃知文字諦亦
足理義悅幾番及繡紅箋指端現明月

觀東亭為葉蘭谷寫苑西直廬園為題二
絕

禁苑東偏秘閣間濕雲如墨擁烟鬟興來小試生
枯管貌出簾前幾桁山

松濤竹雨偏饒韻蔓壑枝峰各自奇中有三人踪
跡在他時看畫更相思蘭谷詩有他日相思惟看畫之句

題秦芝軒瑞芝園

金彩繽紛蓋影重月華初映露華濃
靈根漫向人間覓生傍蓬萊第一峯

蘭樹森、艷謝亭為傳佳話徧西清
昌時正毓為霖望同譜芝房繼頌聲

送聿堂銜恤南歸

落葉經秋散麻衣似雪新送君無可語
未別已傷神滅性應須戒加飡好自珍
教忠有遺訓守此百年身

捧檄亦微願徧傷孝子心春暉凋暮景
秋雨稊悲

吟故國雲千里窮交涕滿襟
河橋執沒手愁絕碧波深

秋日過萬柳堂

沙明水曲抱回廊不見青條萬
縷長病葉蕭騷吹破壁
輕絲零亂拂寒塘更無客問
平津館時有僧歸選佛場
立馬橋西重搔首百年耆舊感
襄陽

送姜古愚南歸

論文風味藹芝蘭人海睽離忽
五年舊雨重傾燕市酒新詩快
索嶺南篇追陪雁侶嗟秋館惻
愴驩歎賦別筵馬首却添仙伴
好同行復鞭遙指碧

曼邊

觀王紫凝為王尹齋作畫

西山露朝燕落葉飛刺檐秘閣坐清畫好事持素
縑王生富邱壑洗研垂官簾一手拂珊瑚一手掀
枯髯主人奉墨斗風味殊清恬而我排闥入大言
何炎、指唱強解事妄庸君不嫌斜陽下鷓鴣夕
漏遲銅籤髯生闌華語題識爾勿謙低頭忽屏息
鼠鬚吮失尖画理素駸昧欲語口如鉗

徐延第

胡季象

同時補官國子次王蓬心

韻奉東

兩年同校上清書，讀盡稱詩興有餘。
好句尚留紅藥省，瓊聲已遍綠槐居。
六經三史為公事，東序南庠疊拜除。
何但紛論誇奪席，諸公才調擅嚴徐。

東王紫凝

髯公擣散氣如雲，三絕聲華最軼羣。
經卷繩床老居士，管絃觴咏右將軍。
新詞忽漫傳裝奩，緞飲懸知罄十分。
昨日太牢供大嚼，瘦羊風味遜夫君。

將以國子官
陪引

春朝襟咏和金曉堂趙檢齋董曲江陳漁

湖倡和韻

占星已識聚荀陳信有閑人是貴人珂影珮聲歸
冊府引商流徵唱陽春裁將鳳紙書初就吟到梅
花句有神便有新聞傳輦下一時大雅唱耐頻
踪跡年、等斷蓬風光轉轍感應同入簾草色滋
新碧流水車聲殷軟紅點檢鶯花春未半崢嶸歲
序日方中山堂暇日留賓處莫遣清秋太劇匆
畫壁漫鬢想盛唐詩城酒國摠歡場輪蹄過耳誰
爭捷花木逢春競向陽文字任唾駝背腫衣冠爭
艷孔毛長隨身竿木原如戲醉寫新題濺舞裳
怪底仙人每好棲紫峯窩小樓憑欄裁覆掌中甌騎驢

誰指青郊路控鶴難尋碧海遊僕病祇應稱漫叟
君才何但占清流也思學步邯鄲好佳句終慚遜
李侯

丹鳳城南寄一椽傳聞好句足驚筵尊前青眼逢
公等鏡裡朱顏異少年託興偶思吟百一論文敢
謂字三千空憐結習消難盡酒碧燈紅又放顛
館閣聲華四海馳鳳巢爭占最高枝好將郢曲流
歌館莫遣吳鹽點鬢絲渺、家山空削芳茫、人
海任支離佳時且可談風月坦步雲霄合有期

七錄齋詩鈔卷十

山陽阮葵生吾山

過申芴山少尹時晴齋次韻作

老樹盤盤架數楹平泉花木舊知名

國為汪文端公舊第偶

然闢宅羅佳勝難得開門巧合并客抱古歡懷舊
雨春含治思放新晴經過不少耽幽侶分付東風
自送迎

盆花庭草綠侵闌生意欣欣耐靜觀一把遮茅塵
鏡遠十年種樹古來難地因人重居偏易詩煥春
和句不寒前輩飛騰鏡綺麗墨池烟靄漾文瀾

新篇快睹問誰先，疊紙含毫有勝緣。他日買山思
彷彿，暫來看竹致纏綿。林亭畢竟宜賢主，風月何
曾費俸錢。麈尾令留日下異，時都作舊聞傳。

徐松廬沈景初祝蓮塘招遊法源寺看海
棠

六街撲面吹香風，賣花老翁擔猩紅。招邀吟客討
春去，步履遠追林外鐘。海棠一樹弄顏色，低亞初
出經樓東。冶態似被曉陰勒，暖魂乍約朝烟烘。花
前覓句呈古佛，花下開闕逢遠公。謂天月門帖丁
寧戒攀折道人也，解憐芳踪諸公好事亦奇絕。誰

將場屋關心胸

明禮部

試就拈花試春色界色破睡一

話空門空浪浪墨彩蘸粉壁碧紗名姓争相籠

送金篤齋陳調遠胡于臯邱涇川南歸

長安雨初霽携酒晚涼天送客金臺下停鞭一黯
然浮雲依去鳥落日帶新蟬酩酊不辭醉當筵欲
放顛

同學余年少華顛每自嘲鄉閩勞遠夢歲月悔慳
拋會合嗟飄梗并沉感繫匏君歸渡淮水爲我問
窮交

送秦鑑泉學士歸養

五色卿雲輝朶殿詞臣冊府承清燕
珊樹頻聞入網羅春暉千里勞瞻戀
鸞書稠疊爛流霞天上新詞補白華
信知韓愈文章伯偏愛黃香處士家
陳情便拜金門疏天子原能鑒臣慤
許脫朝衣換彩衫快趨蘭幄辭芸署
潞河水暖錦帆輕碧澗青天鷓一聲
珠樹蓬山歸老鳳玉堂喬木接新鶯
公子雕華重金馬繡袍歸著鴛鴦屏
下合扇身沾內府香定情手蘸宮毫寫
八月秋風六代山一家人指地行仙
琅函誰紀昇平瑞好入瑯琊盛事編

題紅樹秋風圖送王少林歸寶應

秋水始波一雁渡秋聲滿耳從誰賦堤柳陰陰認
白田江楓點點搖紅樹一夜西風七尺颿荻花蘆
葉夢淮南盍池晴挽雙鬟翠斲社秋澄萬頃嵐王
子聲名動寥廓春來橐筆遊京洛三館偏遺曠世
才十年且蘊匡時畧我惜詞場失此人潞河東望
感音塵翰君破浪乘風興羨爾抽颿到岸身一時
酒盞憐同舍拓戟酣歌舞長夜相看歸思滿江湖
忽遣鄉心對圖畫君過山陽舊徑斜枚臯宅畔道
南家堂前垂白吾親在爲我晨飡一勸加

寄曹抑堂次魚門韻

清時偶作宰官身，拂袖歸來漫愴神。
茶筮藥鐺尋活計，園公溪叟結芳隣。
章江水碧流遺澤，燕市花紅感昔塵。
天與高閑聊健飯，便教金盡未爲貧。

題章二梧問花圖

乳鶯拍拍颺香塵，坵北溪南草似茵。
紅亞石闌春小住，綠遮錦幄夢橫陳。
半灣水暖輕羅縵，一桁山微古黛皺。
風颺柳梢低拂地，倚船人見倚樓人。
玉簫吹徹彩雲高，十里珠簾碧一篙。
苔髮有情含露重，花鬢無力避風挑。
吟成山店低紅杏，愁對春醪冷絳桃。
莫遣金鈴驚曉夢，儘他翠羽自啁嘈。

送陳竹泉表弟之下邳廣文任

漫捲詩書聽擢歌錦帆東下指黃河馬陵翠卷官
簾靜枕舍陰森講席羅紅葉西風秋興早綠波南
浦賦心多送君祇益登樓感歸夢頻年繞薜蘿
五載平牽故國思東華塵染素衣緇宦情薄似秋
蟬翼鄉緒紛於雪繭絲離別最憐闕骨肉行藏如
此各鬚眉勉旃經術傳家法知有春風被廣帷

送金紫峰南歸

晴帆拂拂水潺潺長夏風清揚柳灣通路亭前青
雀去宴花樓上白雲還波搖蓮渚侵隄綠裝疊菜

衣滿目班入省便教新夢穩
看來日較八磚間
美人遙睇碧雲岑
折柳都亭感不禁
江上題襟猶似昨
春明儼屋又於今
通門誼孰如君重對酒情
偏爲我深夜合花開
人倚醉數聲涼雨和蟬吟

送楊子安之任湖南並寄張吾溪朱伯練

鄧硯堂張慎修諸子

黃陵祠下秋草綠
日暮溪烟燃楚竹
去日兒童今已長
攔街更唱銅鞮曲
橘洲楓浦晚峰青
使君心迹江水清
印床風定鶴雙舞
苔閣月明琴一聲
瀟湘故人餘幾輩
年年客夢縈江瀨
長安葉落送君

行客心飛越重湖外

題邵蔚田杏花春雨照

燕子歸飛野梅落杏紅一色鋪叢華粉粘露朵膩
雲鱗香亞烟梢弄雨脚雲衣片片雨絲絲二月江
南錦作泥一逕苔侵屐痕破十分春壓笠檐低玉
堂苦憶年時景校書坐對官簾靜夢裏風吹杏粥
香醒來日灑花磚影歸心無那繞林塘圖畫誰傳
碎錦坊此景不殊蘇玉局他時爭說段文昌

題袁實堂南湖草堂圖

昔歲僧廬同戩影聽君細說南湖景聞有茅齋烟

水間窻中岫列春山靚今年又作長安居一卷示
我草堂圖雲嵐滿紙青無際玉筍瑤琴積翠鋪翠
微岩下幽人宅面面湖光對新碧一棹誰移載酒
船一筇更着登山屐讀畫看山無限情平生低首
謝宣城十年幸托雲龍契便欲移家傍敬亭

送程晴嵐歸淮上

烟外蒲帆錦纜牽朝衣爭映彩衣鮮新詞愛譜朱
華曲好景心闌綠橘天秋早恰逢鱸熟後客歸剛
在雁來先一尊捧入蘭帷裡話到蓬山境似仙
投契頻年逐唱喁每從文字寄歡娛一燈共讀歸

田錄四庫分披絕塞圖于與暗嵐同畧官味澹於參
玉版交情醇比啖松腴青門怕聽陽關疊多恐新
霜點髮踈

、蔣澄川招遊二關不果詩以促之

西風吹碎葉聲乾尺五城東野水寬大好秋光遲
放棹一番新雨又增寒勝遊絕稱提壺徃佳日同
來拄笏看彷彿江南三泖上丹楓紅柏點晴濶

、中秋夜直即事

清漏沉沉下建章坐看天上好秋光銀河浪滉紅
墻濕珠斗寒侵碧瓦涼知有故人同望月嚴東有亦宿直

中惜無侍史爲添香夜闌宮餅頌朱邸十字刀分

任飽嘗

裕卿惠餅

寄劉蘭陔即題其畫卷

兩年紅旆指星沙目送衡陽雁字斜
風貌蕭疎傳畫手江山管領屬詩家
護輪草暖春行部卧閣花深晚放衙
我亦三湘舊遊客披圖還夢洞庭查

九日顧北墅招集次趙損之韻

雨過高亭淨洗塵玉山堂外駐雙輪
爐香蘊藉依菊令籬菊蕭疎似晉人
愛聽秋聲忘夜永絮陳陳鄉語倍情親
此間便抵醇醪醉更放清尊賞令辰

縹瓷古盞絕纖塵三雅更番以次輪小戶當場方
怯我兩軍捐鉢慣驚人相看此會身俱健幸托同
曹臭並親何用登高蠟雙屐方知風雨稱佳辰

戲爲艷體題友人卷子

紅暈垣衣綠縵瀾屏風斜舞霧仙仙篆浮寶鴨香
愁觸磴宿文鴛影並憐柳檻畫長初過雨蓉塘秋
占已涼天繡床冰葦凝如水遮莫簾邊墮翠鈿

題葉蘭谷大觀山房讀書圖

大觀好山色峻嶒城之隅朝靄滴濃翠夕嵐浮紫
虛虬枝冠蒼嶽鱗爪時撐挈濤聲出天外謾謾驚

雲衢下臨大瀛海萬頃銀光鋪星島互環列巨帆
一葉如山光動海色蒼茫思水初主人烟霞癖山
椒工結廬丹荔蔽簷角龍目窺窓疏挿架數萬軸
牙籤分部居佳日手一卷相與讐焉烏有時得妙
契松吹落庭除此景忽拋擲懷之三歲餘東華輦
雙轍朝趨秃尾驢焚香退小閣時時清夢俱何當
脫身去飛躡入畫圖

題王振西行春圖

春垌小隊趁晴朝溪叟圍公到處邀爲訊桑麻兼
韭稻一鞭爭惜馬蹄逆

菖葉初釵柳乍絲一聲布穀喚林枝
捲鋤荷笠村
村路畫出儲韋禱興詩

紅梯斜出古牆頭桑葉陰陰雨後柔
椎結布裘南
陌上筠籠初試桂枝鉤

溪流漱玉澱袍紗款款行春白鼻
駟烏犢傍犁
食葉不誇懷縣一城花

戲和曹劍亭咏桃核念珠

棗子菩提似也無勻圓磨礪製形殊
分明度索山
前種幻作摩尼掌上珠智果通時同
寶筏仁心轉
處識迷途誰從百八聲中悟瑤海
三千一隙駒

正元
六後
日
夜

招集吳冲之程魚門趙損之沈景

初陸耳山即席成句

節序春風近落鏗開軒偶爾聚佳朋
韭盤細縷霜畦玉菜甲重挑雪窖冰
月影縱輸前夕滿詩情恰比昨宵增
筯頭臘酒餘多少賈勇還能盡十升

題趙四峯太守望雲圖

垂巖栢子森藉磴苔花爛上有春空
雲藹藹展天半夫君古孝子對此增
三嘆損令寸草心千里餘瞻戀堂前
鬢景皤衣上線痕綻凝睇故山青紆
鬱中懷亂畫手工寫生枯管精神煥
中有至性存漫

等丹青玩

送姚姬傳歸桐城

丰度分明照玉山上林奪得錦袍還
匆匆又逐離雲去句裏銷魂未易刪

病起維摩瘦不支春風吹送布颿遲
臨歧贈與加餐意多省青山少賦詩

題春郊試馬圖

春郊草綠春山妍落英滿空胡劇顛
誰乘款段傍水出玉駟雪色金連錢
潑眼韶光正胎蕩覓句從來宜馬上
手把珊瑚緩轡行獨叩銀鞍發清唱
羨

雨翩翩英妙姿風貌圍成倩畫師長安三月花如
錦待雨春風得意時

李貞女詩

李氏名玉止金溪人

一片金露月影涵江水清小窻調瑟處弱歲斷釵
情惻愴黃輿路悽涼素幕行八年抱幽恨愁聽玉
簫聲

小雨

小雨忽成暮閉門空復情炊烟騰屋角花氣撲簾
旌舊雨憐星散新愁似水生打窻聞浙溼支枕夢

難成

題曹劍亭松泉書屋圖

滿耳濤聲沸淙淙漱玉泉高人託幽尚一把寄松
顛放眼延秋爽憑闌眺遠天紅塵飛不到合賦小
遊仙

題昆明黃孝子家傳

江夏餘門望艱危頽次翁紅巾銷寇盡白首得歡
融鳩影扶筇竹烏啼統墓楓表閣盡雙楔紫葉仰
清風

三月廿八日偕諸申之王詒堂吳容堂王
偉人曹竹虛李琪園泛舟城東遊王氏園

亭分得簪字

歇馬郭門外放船臨風潭雨霽驗新漲日暖浮晴
嵐候舵響鴉軋浸水天蔚藍泥融燕子喜柳暉鶯
聲慙柔葉短於薺荻芽抽如簪五里一置脚飛瀑
懸層岷繫纜復解纜舍舟日凡三九九栢子逕鬱
鬱松花龕曲磴入老圃鼻觀香風掩陂陀碧蘚駁
洞壑蒼烟含欄檻互欹倚蠨蛸絡鬢髮昔賢有題
額故事猶能諳園中有詩主人征海去冷客窮
幽探好事隨前輩携幼聆清談詒堂令軟紅苦微
逐此景良足耽夕陽墮城闕薄暮鳴歸驂有約更

提榼闕題矜研單

望山相國七十初度

珠幢來自大江濱，紅葯香中受社新。
秘閣親承隆主眷，黃扉特晉贊王綸。
雲霞瑞耀圖書府，日月榮滋斗岳身。
龍馬精神兼壽世，沙堤築處紀生申。

韋平家學應昌期，玉殿重光舊鼎彝。
九列人誰齊行輩，兩朝望早卜台司。
文章鳳閣鸞臺重，姓氏兒童走卒知。
中外歡聞司馬相，待調元化洽雍熙。

滇海秦闕擁閭旒，東南半壁德星高。
麒麟才望文三篋，龍虎威名武六韜。
日暖油幢開幕府，風清鼓

角靖江濤翠華幾訊旬宣績處處甘棠頌雨膏
畫錦堂連尺五天紀名是佛望如仙笙吹鳳背傳
宮曲尊瀉龍頭撤御筵晚節彌香韓魏國立朝不
負陸忠宣楷模只益靈光古平格從來壽自天

符幼魯舊藏梅花研揚子苑仙見而作歌
查儉堂太守愛苑仙之才妻以女幼魯即
贈研爲聘且圖焉題贈遂夥予亦繼作

琢就琳腴潑練光緗奩添得紫雲香才人一曲梅
花引不用吹笙學鳳皇

花影娟娟鬢影嬌東窻紅日麝煤調玉臺好試珊

胡管鏡裏春山著意描

題周幔亭居後得泉圖

柳躡桃花殷夫君著書處十載不窺園跡踈山下
路求水夜扣門灌花曉斟露誰知屋東頭泉出甘
於澍從來仙儒居住往往精靈聚便思注水經好與
安茶具

方外有畫師藏頭南朝寺點染泉香圖氤氳肖春
麗一奴挈井纜手濺跳珠沸一奴擔而趨似有行
脚意一奴扇竹爐箕坐挽雙髻主人愛客話傲倚
南窗寄何當挈瓶來共評在山味

憶家山詩

予家城西老屋三百年舊居也曾王父鶴緹
徵君增闢小園極城市山林之致百年來人
事代謝半屬他姓長亭水榭盡長蒹蒲時來
鳧鷖出沒耳南莊曰藍邱草堂東村曰夏雲
草堂先徵君春秋往來課畊觀穫歲必數至
入之歌詠不下數百篇予童州時兩莊已易
主遊憇園中一邱一壑猶有存者暇日追話
先業彷彿記其二三各詠小詩志其遺蹟如
說前因昔夢徒益悵惘而已

西圃

先人耽小隱辟疆寄佳抱城西十畝園塍外一水
遶菜圃區沙棱芭籬編礪篠四時不斷花三選自
芟草溪友供蒲芟園官送壺菓秋菘與春韭滋味
故園好

小山

雙峰立墻角當樓愛綠淨有如兩美人臨窻對明
鏡籠月石氣清過雨石紋瑩縵瘦繡苔岑曲屈踏
蘿磴老桂吹古香花落人自靜縱有佳客來不掃

花間選

冬青樓

竹裏登高樓紅闌俯木末曲廊通小山斜梯補山
闕窗外覆清陰一樹冬青拔葉大搖清風枝疏漏
涼月挿架饒蕞殘粘壁足翰札上有高吟人風流
詎消歇

石橋

小山迤西行一泓截崩岑緣溪符帶紅澄潭浸鐵
色危杓橫斷汉齒齒壘亂石蒲蘆錯雜栽菡萏太
凌藉水軒納新涼花開間紅白爲憐曉露馨倚闌
柱藤策

雙棗軒

一株拔地起上與簷脊齊一株卧槎枒橫出古墻
西八窻啟虛室匝步清陰低歷屋記纂纂兒時緣
柔梯舊選莽豐草雙榦撐參差摩挲誦遺詠太息
攀枯枝棗樹二株高王父綺歲時自隣家塢頭
移栽徵君詩集中有棗棗篇述先澤也

松石齋

溜雨松毛粗滴露石皮細蕭然一邱閒宛爾六朝
意家塾開書堂子舍聯講肆對床安几研小閣儼
清閤午夜聞書聲林間織月墜徘徊尋往踪風流
若爲繼

老槐

悄立薤畦側 荒荒起塵礚 此地有高槐 孤圓罩青
蓋 直上二千尺 影落高城外 周遭蔭五畝 數里嗅
芳馥 夏午坐幽陰 秋宵送爽籟 布席容百人 徃徃
富文會

經堂

徵君學道人 晚歲耽禪悅 秘室藏山物 曲逕踰墻
缺 當門甃古井 潭潭浸寒雪 烏皮供黃磁 清言霏
玉屑 功課付茶鐺 愜外松烟爇 故跡不可求 欲話
信饒舌

修竹廊

步屣經堂東曲廊白茆苦四圍竹蕭蕭半日行綠
暗界立萬竿青生孫互移蔭筍茁貓頭粗籜解麂
皮艷高節鏤小詩前輩題名占仁廟初年文社甚
盛竹竿遍鏤名流
之作歲暮段而歲之秦雲九徐果亭丘蕩然掃地
南齊彭方洲諸先生題名予猶及見也無懷舊情蓄念

自吟亭

亭外秀花竹亭中富圖史抱卷日吟哦得句書小
紙細若蚊脚微粗與牛腰比遺響溯宗風道腴挾
奧旨高歌動鬼神格調叶宮徵殘帙尚珍諸藏山

逾五紀先微君自吟亭詩稿甚富查初

藍邱草堂

驢背挂短檠言過南城南
迤邐三十里夾岸栽春
藍草堂西流水斷約通魚菴水
田學僧衣朝朝浮
溪嵐春雨麥莢秀秋風稍香
菴柳枝誰手挿臙腫
而盤髮

夏雲草堂

結茅東溪村落成正午日當戶湧晴雲
竒峰自層出卷舒信無心變幻態匪一
遙從海上來氤氳統我室隣翁送酒
盆椎子拭湘帙緬想鶴髮人悠悠